



Qalerallit

Kitaani

Nunatta kitaani avataasiornermi qaleraleqatigiinnik ilisimatuussutsikkut siunnersuineq nunatta kitaani sumiiffinnut marlunnet ataatsimoortumik tunniunneqarpoq: Avannaata Imartaanut aamma Ikersuaq Davisimut. Ilisimatuussutsikkut siunnersuineq ukiunik marlunnik sivisussusilerneqarpoq (2023 aamma 2024) siunnersuutigineqarlunilu qalerallit pisarinqartut 29.640 tonsit qaangissanngikkaat. Ukiuni kingullerni marlunni siunnersuineranut sanilliullugu 6.730 tonsinik ikinnerullutik. Ikileriaat 18,32 %-voq.

Aalisagaqatigiit Kalaallit Nunaata Canada-llu avissavaat. 2023-mi TAC 9,25 %-mik apparneqarnissaa aalajangerneqarpoq taamaasilluni Kalaallit Nunaanni TAC 16.502,5 tonsiunissaa aalajangiunneqarluni. 2023-mi Kalaallit Nunaat Canadalu siunnersuummik nutaamik noqqaassuteqarput. Siunnersuut nutaq pioreersumit allannguuteqangimmat Kalaallit Nunaat Canadalu ukioq kingulleq siunnersuutigineqartoq atuinnassavaat TAC-ilu 2024-mi 9,25 %-imik apparlugu. Qulequtaq pillugu Kalaallit Nunaat Canadalu oqaloqatigiillattaasarput Canada-lli suleriaasiata sivisusinnaanera peqquutaalluni ukiup ingerlanerani paasititsisoqarnissaa naatsorsuutigineqarpoq. Kalaallit Nunaata kitaani qalerallit avataaniittut MSC-mit uppersaaserneqartarnerat ataatsimoorussamik suliniuteqarnikkut pisarnera naqissusissallugu pingaaruteqarpoq, imannak isumaqarpoq, Kalaallit Nunaat Canada-llu ikileriaatsip assigiinnera minnerpaamik akuerissagaat. Canada paasititsereerpat Aalisarnermut Piniarnermullu Naalakkersuisoqarfik Aalisarnermi Siunnersuisoqatigiit ilisimatinniarpai.

Tunu

Tunumi avataasiornermi qalerallit pillugit ilisimatuussutsikkut siunnersuineq Tunumut, Islandimut Savalimmiunullu ataatsimut tunniunneqartarpoq. 2024-mi qalerallit 21.541 tonsit sinnissanngikkaat siunnersuinermi inassutigineqarpoq, tamannalu ukiup siulianit 5.169 tonsinik ikileriarneruvoq.

Nunatta Islandillu akornanni aqutsinissamik pilersaarut malillugu, Nunatta ataatsimut TAC-p 37,6 %-ia pissarsiarissavaa, tamannalu 8.099,4 tonsiuvoq, ukiumilu siulianut sanilliullugu 1.943,6 tonsinik ikileriarnerulluni.

Isumaqatigiissummi §4 aallaavigalugu Kalaallit Nunaata pisassiissutit aalisarneqarsimangitsut 10% tikillugu ukiup tullianut nuussinnaavaat. Januarimi pisassiissutinit qaqtat naatsorsorneqareerpat pisassiissutit sinneruttut 10%-iisa TAC-mut nuunneqassapput.

Takussutissiaq 1: 2024-mi avataasiornermi qalerallit pillugit pisassiissutissatut siunnersuutit (tonsingorlugit).

Uumasoaqat igiit suussusii	2023-mut siunnersuineq	Siunnersuineq 2024	Pisassiissutit 2022	Pisassiissutit 2023	Pisassiissutit siunnersuutit 2024
Qalerallit					
Kitaani	29.640	29.640	18.185	16.502,5	Canada-llu ataqatigiissitsinissaq

					<i>utaqqineqarpoq.</i>
Tunu	26.710	21.541	10.020	10.043	8.099,4 ¹

Suluppaakkat

Suluppaakkanut tunngatillugu ilisimatuussutsikkut siunnersuinerit Kitaanut, Irmingerip Imartaanut aamma Tunumut immikkoortillugit tunniunneqarput.

Kalaallit nunaata kitaa

Kitaani avataasiortunut suluppaagartassani ilisimatuussutsikkut siunnersuinerimi siunnersuutigineqarpoq 2024-mi aalisartoqassanngitsoq. Siunnersuineq malinneqassasoq inassutigineqarpoq kiisalu pisassiissutinik aalajangersaasoqassanngitsoq.

Irmingerip Imartaa

Kalaallit Nunaat, Island aamma Savalimmiut peqatigalugit suluppaakkat pillugit naalagaaffinnut sinerialinnut ilaavoq. Aalisarnermik aqutsineq nunarsuup immikkoortuani aalisarnerq pillugu aqutsinermik suleqatigiiffimmit NEAFC-imit isumagineqartarpoq, pisassiissutillu 2021-mi novembarimi NEAFC-ip ukiumoortumik ataatsimiinnerani isumaqatigiissut naapertorlugu suliarineqartoq tunngavigalugu aalajangersarneqarput. Ilisimatuussutsikkut siunnersuinerimi suluppaagaqatigiit toqqaannartumik aalisarneqassanngitsut siunnersuutigineqarpoq. Taanna siunnersuut 2022-mit - 2024-mut atuuffeqarpoq TAC-ilu NEAFC 2021-mi ukiumoortumik ataatsimeersuarnerani aalisartoqannginnissaanut siunnersuutaa aalajangiunneqarluni.

Tunu (nunaviup immap naqqani avalassaanganera)

Tunumi suluppaakkat *Sebastes norvegicus* (suluppaakkat angisuut) aamma *Sebastes mentella* (suluppaakkat itisoormiut) akuleriissillugit aalisarneqartarput. ICES-ip allannguisoqarnissaa siunnersuutigivaa taamaalilluni suluppaakkat aalisagaqatigiiaat aalajangersimasunut immikkut TAC-lerneqartalerniassammata. Pinngortitaleriffik ukiut siulliini pisarineqartunit misissuisimanagerit tunngavigalugit aalisakkanik taakkuninnga sanilliussilluni naatsorsuisarpoq. 2016-imili Niuerneq tunngavigalugu piniakkani *S. norvegicus* pingaarnertut inissisimasimavoq.

S. mentella pillugu ilisimatuussutsikkut siunnersuinerimi 2024-mi aalisartoqannginnissaa siunnersuutigineqarpoq. 2024-mut *S. mentellamut TAC-imik aalajangersaasoqarnissaa inassutigineqarpoq. S. Norvegicus-imut tunngatillugu Tunumut Islandimullu ataatsimut siunnersuisoqarpoq tassanilu 2024-mut amerlanerpaamik pisat 41.286 tonsiunissaat innersuussutigineqarpoq, 2023-mut sanilliullugit 15.741 tonsinik amerlanerupput. Siunnersuutigineqartut amerleriaateqarnerannut aalisagaqatigiit killiffiannik taakkunanngalu najoqqutarineqartunik naatsorsueriaatsimik allannguutit pissutaapput.*

Juli 2023-mi Kalaallit Nunaat Islandilu naalagaaffiit sineriallit isumaqatigiissutaanni nutaamik isumaqatigiissuteqarput Kalaallit Nunaannut TAC-ip 11%-ia tunniunneqarpoq

¹ 254 tonsit Tunumi sinerissap qanittuani aalisartunut sillimmatigineqarput

tassani 300 tonsit Savalimmiunut tunniuttagaq peereerlugu. 2024-mi taakku 11%-it 4.508,5 tonsinik naleqarput.

§ 6 malillugu Kalaallit Nunaata pisassiissutit aalisarneqanngitsut 10%-at ukiumut tulliuttumut nuussinnaavaat. Januarimi pisassiissutinit qaqitat naatsorsorneqareerpata pisassiissutit sinneruttut 10%-iisa TAC-mut nuunneqassapput.

Takussutissiaq 3: 2024-mi avataani suluppaakkat pillugit pisassiissutissatut siunnersuutit (tonsinngorlugit)

Aalisagaqatigiit suussusii	2023-mut siunnersuineq	Siunnersuineq 2024	Pisassiissutit 2022	Pisassiissutit 2023	Pisassiissutissatut siunnersuutit 2024
Suluppaakkat					
Kitaani	Toqqaannartumik aalisartoqassanngilaq	Toqqaannartumik aalisartoqassanngilaq	0	0	0
Irmingerip Imartaani	Toqqaannartumik aalisartoqassanngilaq	Toqqaannartumik aalisartoqassanngilaq	0	0	0
Suluppaakkat (Tunumi akuleriinnik aalisarnerit)					
<i>S. mentella</i>	Toqqaannartumik aalisartoqassanngilaq	Toqqaannartumik aalisartoqassanngilaq	3.185,5	5.109	4.508,5
<i>S. norvegicus</i>	25.545 ²	41.286 ³			

Tinguttuut, imminnguit, nataarnat aammalu qeeqqat

Artit taaneqareersut avataasiorlutik aalisartunit toqqaannaq aalisarneqarnek ajormata pisat killeqartorujussuupput. Tamanna peqqutaalluni taakkununga siunnersuineq annikippoq taamaammat taakku artit pillugit ilisimatuussutsikkut siunnersuineq ingerlanneqanngilaq. Pisassiissutit Kalaallit Nunaata nunat marluk akornanni isumaqatigiissutaannit soorlu EU, Norge aamma Savalimmiut atorluarneqarput.

Takussutissiaq 4: Tinguttuunut, tupissutit, nataarnanut qeeqqanullu 2024-mut pisassiissutit siunnersuutit (tonsinngorlugit)

Aalisagaq atigiit suussusii	2023-mut siunnersuineq	Siunnersuineq 2024	Pisassiissutit 2022	Pisassiissutit 2023	Pisassiissutissatut siunnersuutit 2024
Tinguttuut					
Kitaani	Siunnersuisoq anngilaq	Siunnersuisoq anngilaq	1.500	1.500	0

² Kalaallit Nunaannut aamma Islandimut siunnersuineq, ataatsimut

³ Kalaallit Nunaannut aamma Islandimut siunnersuineq, ataatsimut.

Tunu	Siunnersuisoq anngilaq	Siunnersuisoq anngilaq	1.500	1.500	1.500
Tupissutit					
Kitaani	Siunnersuisoq anngilaq	Siunnersuisoq anngilaq	1.000	1.000	1.000
Tunu	Siunnersuisoq anngilaq	Siunnersuisoq anngilaq	1.000	1.000	1.000
Nataarnat					
Kitaani	Siunnersuisoq anngilaq	Siunnersuisoq anngilaq	0	0	0
Tunu	Siunnersuisoq anngilaq	Siunnersuisoq anngilaq	1.000	1.000	1.000
Qeeqqat⁴ Qeeraaq at qeeqqallu					
Kitaani	Qeeraaraq: Aalisartoqassa nngilaq Qeeraq:1.158	Qeeqqat: 775	0	Qeeraar aq: 0 Milalik: 1.000	Qeeqqat: 0

⁴2024-mut qeeqqanut qeeraaqanullu ataatsimoortumik siunnersuisoqarpoq.